

“Niya kundifuna, nindifumane, xa nithe
nandifuna ngentliziyo yenu yonke.”

**UNGAMAZI
KANJANI
UTHIXO NA**

Bible in IsiXhosa 1859/1975 © Bible Society of South Africa 1859, 1975. Digital version © Bible Society of South Africa 2012. Used with permission. All rights reserved. www.biblesociety.co.za

The Bible Society of South Africa hereby declares that the opinions, views and theological positions in the additional material in this publication do not necessarily reflect those of the Bible Society of South Africa. The Bible Society of South Africa does not endorse the use of Bible text in any manner or on any platform that may potentially be deemed anti-Christian in nature, or that promotes illegal/unlawful activity.

... Uze umthande uYehova uThixo wakho ngentliziyo yakho yonke, nangomphefumlo wakho wonke, nangamandla akho onke.

—IDuteronomi 6:4, 5

Ngokuba utsho uYehova, uMdali wezulu (nguye uThixo), uMenzi wehlabathi, uMseki walo, yena walizinzisayo (akalidalelanga ukuba kube senyanyeni, walibumba ukuba limiwe), ukuthi, NdinguYehova, akukho wumbi.

—UIsaya 45:18

Ukuze zazi zonke izizwe zomhlaba, ukuba uYehova nguye uThixo, akukho wumbi. —OoKumkani I 8:60

NdinguYehova, lilo elo igama lam; andiluniki omnye uzuko lwam, nendumiso yam andiyiniki imifanekiso eqingqiweyo.

—UIsaya 42:8

Ningamangqina am, utsho uYehova, ... ukuze nazi, nikholwe ndim, niqonde ukuba ndim; phambi kwam akubunjwanga thixo, nasemva kwam akuyi kubakho namnye. Mna ke, mna ndinguYehova, akukho msindisi ingendim.

—UIsaya 43:10, 11

Bhekani kum, nisindiswe, nonke ziphelo zehlabathi; ngokuba ndinguThixo, akukho wumbi.

—UIsaya 45:22

Unemfesane enobabalo uYehova, uzeka kade umsindo, mkhulu ngenceba. Ngokuba injengokuphakama kwezulu phezu komhlaba, ukuba namandla, inceba yakhe kwabamoyikayo.

—INDumiso 103:8, 11

Ke yona inceba ka Yehova ikwabamoyikayo, kususela kwaphakade kude kuse ephakadeni, ... Kwabazikhumbulayo iziyalezo zakhe ukuba bazenze.

—INDumiso 103:17, 18

Ngubani na onguThixo onjengawe, oxolela ubugwenxa, ... kuba yena uthanda ukwenza inceba.

—UMika 7:18

Kungeenceba zikaYehova le nto

singagqityelwanga, ngokuba azipheli iimfesane zakhe.

—IziLilo 3:22

Ngokuba naxa imhlisele usizi, noko yoba nemfesane ngokobuninzi benceba yayo.

—IziLilo 3:32

Kowenceba ùzenza owenceba
....

—INDumiso 18:25

Bulelani kuYehova ngokuba elungile, Ngokuba ingunaphakade inceba yakhe.

—IziKronike I 16:34

...ngokuba ndandisazi ukuba ùnguThixo obabalayo, onemfesane, ozeka kade umsindo, onenceba enkulu, ozohlwayayo ngenxa yobubi.

—UYona 4:2

UYehova ubonakele kum kwakude, wathi, Ndikuthandile ngokuthando olungunaphakade; ngenxa yoko ndikolúlele inceba.

—UYeremiya 31:3

Ngokuba ndiyazazi iingcinga endizicingayo ngani, utsho uYehova: iingcinga zoxolo, ezingezizo ezobubi; ukuba ndininikè ikamva nethemba.

—UYeremiya 29:11

Uthi uYehova, Ndinithandile; ke nina nithi —UMalaki 1:2

Kunjengokusikwa yimfesane koyise kubantwana, ukusikwa yimfesane kuka Yehova kwabamoyikayo.

—INdumiso 103:13

Yabona, baba lusindiso kum

ubukrakra obukhulu. Wena ke ngokundithanda, wawurhola umphefumlo wam esihogweni sokenakala; ngokuba izono zam uzilahlele emva komhlana wakho.

—UIsaya 38:17

Sikwazile thina, sakholwa kukusithanda kukaThixo. . . . Thina siyamthanda, ngokuba yena wasithanda kuqala.

—KaYohane I 4:16, 19

UYehova uThixo wakho uphakathi kwakho, ligorha elisindisayo; únemihlali ngawe, enovuyo; úthe cwaka eluthandweni lwakhe, ugcoba ngawe ememelela.

—UZefaniya 3:17

4 UKUMAZI UTHIXO YEYONANTO INKULU EBOMINI

...ke bona abantu abamaziyo uThixo wabo babambelele kuwo, bafeze. —UDaniyeli 11:32

Oqhayisayo makaqhayise ngale nto yokuba endiqiqa, endazi mna ukuba ndinguYehova, owenza incebaba, nesiko, nobulungisa, ehlabathini; ngokuba ndinanzé ezo zinto; utsho uYehova.

—UYeremiya 9:24

Hayi, uyolo lwababambe izingqiniso zakhe, abamquqelayo ngentliziyo epheleleyo!

—INDumiso 119:2

...ndibeké phambi kwenu ubomi nokufa, intsikelelo nesiqalekiso. Nyula ke ubomi, ukuze uphile, wena nembewu yakho; ukuba u-

mthande uYehova uThixo wakho, uliphulaphule ilizwi lakhe, unama-thele kuye: ngokuba bubomi bakho, nokolulwa kweemini zakho —IDuteronomi 30:19, 20

Ngokuba ndinonelele uthando, andinonelele mbingelelo; ndinonelele ukwazi uThixo, ngaphezu kwamadini anyukayo.

—UHoseya 6:6

Njengexhama elitsalela emifuleni yamanzi, wenjenjalo ukutsalela kuwe, Thixo, umphefumlo wam.

—INDumiso 42:1

Wathi, Ubuso bam bohamba nawe, ndikunike ukuphumla.

—IEksodus 33:14

...uYehova unáni ekubeni ninaye; ukuba nithe namquqela, nomfumana; ukuba nithe namshiya, wonishiya nani.

—IziKronike II 15:2

Intliziyo inenkohliso ngaphezu kweento zonke, isisifo esibi; ngubani na onokuyazi?

—UYeremiya 17:9

Kukho indlela ethe tye phambi komntu, ukanti ukuphela kwayo ziindlela zokufa.

—ImiZekeliso 16:25

Kuba, xa uThixo angaziconganga izithunywa zezulu ezonayo, wesuka wathi, ezikhahlele enzo-

nzobileni, wazinikela emixokelelwani yesithokothoko, zigcinele umgwebo; iyakwazi iNkosi ukubahlangula ekuhendweni abahlonela uThixo; ke abangemalungisa ibagcinele imini yomgwebo, ukuba babethwe.

—KaPetros II 2:4, 9

Ke ukuba anithanga niliphulaphule izwi likaYehova, ukuba nithe nawuphikisa umlomo kaYehova, isandla sika Yehova sonichasa —USamuweli I 12:15

Ukuba umntu uthe akahlala kum, ulahlelwa phandle njengesebe, ome; baze abantu bawabuthe, bawaphose emlilweni, atshiswe.

—UYohane 15:6

6 UKUZE SIMAZI UTHIXO SIFANELE UKUMFUNA

Niya kundifuna, nindifumane, xa nithe nandifuna ngentliziyo yenu yonke; ndifumaneka kuni; utsho uYehova. —UYeremiya 29:13

Ukuba uthe wabufuna njengesilivere, Wabumba njengobutyebi obuselelweyo: Uya kwandula ukuqonda ukoyika uYehova, Ukufumane ukumazi uThixo.

—ImiZekeliso 2:4, 5

UYehova ulungile kwabathe-mbele kuye, kumphefumlo omquqelayo. —IziLilo 3:25

Celani, nophiwa; funani, nofumana; nkqonkqozani, novulelwa.

—UMateyu 7:7

Ke, lungekho ukholo, akunakubakho ukumkholisa kakuhle; ku-

ba lowo uzayo kuThixo, umelwe kukukholwa ukuba ukho, nokuba ungumvuzi wabo bamfunayo.

—KumaHebhere 11:6

Abandithandayo ndiyabathanda nam; Nabandifunayo kwakusasa bayandifumana.

—ImiZekeliso 8:17

Kanjalo wazenza ngagazi-nyezonke iintlanga zabantu, . . . ukuze bayifune iNkosi, ukuba kambe bangaphuthaphutha bayifumane, nakuba ingekude kuthi sonke ngabanye.

—IZenzo 17:26, 27

Ke mna bendiya kusingisa kuThixo, indawo yam ndiyibhekise kuThixo.

—UYobhi 5:8

... unemfesane uYehova u-Thixo wenu; akayi kubufihla kuni ubuso bakhe, ukuba nithe nabuyela kuye. —IziKronike II 30:9

Ngokuba ùlungile wena, Nkosi yam, uxolela; umkhulu ngenceba kubo bonke abakunqulayo. —INdumiso 86:5

Sondelani kuye uThixo, wosondela kuni. . . . —EkaYakobi 4:8

Usondele uYehova kubo bonke abamnqulayo, kubo bonke abamnqulayo ngenyaniso. —INdumiso 145:18

Khanize sibonisane, utsho uYehova; nokuba izono zenu zide zavela zanjengengubo ebomvu, zoba mhlophe njengekhephu; nokuba

zide zayingqombela njengebala elibomvu, zovela zinjengoboya begusha. —UIsaya 1:18

Yizani kum nonke nina nibulalekayo, nisindwayo ngumthwalo, ndoninika ukuphumla. Thabathani idyokhwe yam niyithwale, nifunde kum; ngokuba ndinobulali, ndithobekile ngentliziyo; noyifumanela ukuphumla imiphefumlo yenu. —UMateyu 11:28, 29

... nozayo kum, andisayi kukha ndimlahlele phandle. —UYohane 6:37

Wenani! Nonke nina ninxaniweyo, yizani emanzini, nabangemali; yizani, thengani nidle —UIsaya 55:1

Ngubani na onjengawe phakathi koothixo, Yehova? ... wena uvethe ubungcwele? ...

—IEksodus 15:11

Akukho uyingcwele njengo Yehova; Ngokuba akukho namnye ngaphandle kwakho

—USamuweli I 2:2

... Makube lee kuThixo ukuba ngongendawo; KuSomandla, ukuba abe nobugqwetha.

—UYobhi 34:10

Úyingcwele, ùyingcwele, ùyingcwele uYehova wemikhosi; buzalise ihlabathi lonke ubuqaqawuli bakhe.

—UIsaya 6:3

Ngokuba utsho ophezulu, owo-ngamileyo, ohleli ngonaphakade,

ogama linguNgcwele, ukuthi, Ndhleli phezulu, engcweleli. ...

—UIsaya 57:15

Úlilungisa uYehova ngeendlela zakhe zonke, unenceba ngezenzo zakhe zonke.

—INDumiso 145:17

... Akukho ulungileyo, mnje kwaphela—nguThixo.

—UMarko 10:18

Ngubani na ongekhe akoyike wena, Nkosi, Angalizukisi igama lakho? Ngokuba inguwe wedwa ongcwele.

—IsiTyhilelo 15:4

... Ingcwele, ingcwele, ingcwele INkosi uThixo uSomandla, Leyo yayikho, ikhoyo, izayo.

—IsiTyhilelo 4:8

ABANTU BAKATHIXO BAFANELE UKUPHILA IMPILO ENGWELE

9

Wena uyakholwa ukuba uThixo mnye; uyatyapha; nazo iidemon ziyakholwa, zibe namanwele. Uya-thanda na ke ukwazi, mntundini ungento, ukuba ukholo olu, inge-kho imisebenzi, lufile?

—EkaYakobi 2:19, 20

Lowo uthi, Ndimazile, abe enga-yigcini imithetho yakhe, ulixoki, kulowo ayikho inyaniso. Babona-kala ngaloo nto abantwana baka-Thixo, nabantwana bakaMtyholi. Bonke abangenzi bulungisa abangabakaThixo, nalowo unga-mthandiyo umzalwana wakhe.

—KaYohane I 2:4; 3:10

Ilisikizi kuYehova indlela yongendawo; Ke ophuthuma ubulungisa uyathandwa nguye.

—ImiZekeliso 15:9

Phuthumani uxolo nabo bonke, nobungcwele, ekungekho namnye uya kuyibona iNkosi, engenabo.

—KumaHebhere 12:14

Nithi ke, ngokokwalowo ung-cwele wanibizayo, nibe ngcwele nani ngokwenu kuyo yonke ihambo.

—KaPetros I 1:15

Funani okulungileyo, ningafuni okubi, ukuze niphile; aze uYehova, uThixo wemikhosi, abe nani, njengoko nitshoyo. —UAmosi 5:14

... akubizayo uYehova kuwe, kukuthi wenze okusesikweni, uthande inceba, uhambe noThixo wakho ngokuthozamileyo.

—UMika 6:8

... Yibani ngcwele; kuba ndiyi-Ngcwele mna, Yehova, uThixo wenu.

—ILevitikus 19:2

... Ûze uyithande iNkosi uThixo wakho ngentliziyo yakho iphela, nangomphefumlo wakho uphelela, nangamandla akho ephela, nangengqondo yakho iphela; nommelwane wakho, njengoko uzi-thanda ngako.

—Uluka 10:27

Uyayazi imithetho: Musa ukukrexeza, musa ukubulala, musa

ukuba, musa ukungqinela ubuxoki, musa ukulumkisa, beka uyihlo nonyoko.

—UMarko 10:19

Kanjalo ningamilisi okweli phakade; manibe kumila kumbi ngokuhlaziyeka kwengqiqo yenu . . .

—KwabaseRoma 12:2

Ize ingesuki incwadi yaló myalelo emlonyeni wakho; uze ucinge ngayo imini nobusuku, ukuze ugcine, ukwenze konke okubhaliweyo kuyo; ngokuba wòba noku-phumelela ngendlela yakho oko, ukwenze ngengqiqo oko.

—UYoshuwa 1:8

... Yibani nokukholwa kuThixo.

—UMarko 11:22

Izinto ezintandathu uzithiyile uYehova, ezisixhenxe zingamasi-kizi emphefumleni wakhe: Ngamehlo aqwayingayo; lulwimi oluxokayo; Zizandla eziphalaza igazi elimsulwa; Yintliziyo eyila iingcinga zobutshinga; Ziinyawo ezi-khawulezayo ukugidimela ebubini; Lingqina elixokayo, elifutha amanga; Nongenisa ingxabano phakathi kwabangabazalwana.

—ImiZekeliso 6:16-19

Kuba mna, Yehova, ndithanda okusesikweni, ndikuthiyile ukuphanga ngokugqwetha . . .

—UIsaya 61:8

Ke wona amagwala, nabangakhulwayo, nabangamasikizi, na-

babulali, nabenzi bombulo, nabakhafuli, nabakhonzi bezithixo, nawo onke amaxoki, isabelo sawo siya kuba sedikeni elivutha umlilonesulfure. Oko kukufa kwesibini.

—IsiTyhilelo 21:8

. . . Wugcineni ngoko umoya wenu, ungamnginizeli umfazi wobutsha bakho; kuba ndikuthiyile ukwala.

—UMalaki 2:15

Musani ukucinga okubi, elowo ngommelwane wakhe entliziyweni yakhe; ningathandi ukufunga ngobuxoki; ngokuba konke oko; koko ndikuthiyileyo; utsho uYehova.

—UZekariya 8:17

12 ABANTU BAYASILELA KOKO UTHIXO AKUFUNAYO

Ndiyanazi nina, ukuba uthando lukaThixo aninalo ngaphakathi kwenu. —UYohane 5:42

Kuba yena oya kuwugcina umthetho uphela, akhubeke mthethweni mnye, unetyala layo yonke. —EkaYakobi 2:10

Ndathi, Athi ke mna! Ngokuba ndithe shwaka, ngokuba ndiyindoda emlomo uyinqambi; ndihleli phakathi kwabantu abamilo-mo iyinqambi; ngokuba amehlo am aboné ukumkani, uYehova wemikhosi. —UIsaya 6:5

Ngoko kowaziyo ukwenza okuhle, angakwenzi, kulowo kusisono. —EkaYakobi 4:17

Njengokuba kubhaliwe kwathiwa, Akukho lungisa, hayi, nalinYE. —KwabaseRoma 3:10

Kuba bonile bonke, basilelela eluzukweni lukaThixo. —KwabaseRoma 3:23

... Bonke abangenzi bulungisa abangabakaThixo, nalowo ungamthandiyo umzalwana wakhe. —KaYohane I 3:10

Thina zonke salahleka njengegusha, sabheka elowo endleleni yakhe —UIsaya 53:6

... Ngubani na onako ukuma phambi koYehova, lo Thixo uyingcwele? —USamuweli I 6:20

IMISEBENZI YETHU AYINAKHO UKUMKHOLISA UTHIXO

13

Kuba ndiyabangqinela ukuba banokumzondelela uThixo, koko bengamzondeleli ngokokwazi okukuko. Kuba bathe, bengabazi ubulungisa bukaThixo, befuna noku-misa obabo ubulungisa, ababululamela ubulungisa bukaThixo.

—KwabaseRoma 10:2, 3

Ke sisuke saba njengoyinqambi sonke siphela, yanjengengubo enomzi yonke imisebenzi yethu yobulungisa —UIsaya 64:6

Ndákuthi kwilungisa, inene, lo-phila; lize ke likholose ngobulungisa balo, lenzè ngobugqwetha: bonke ubulungisa balo abuyi

kukhunjulwa; lofa ngobugqwetha balo elibenzileyo.

—UHezekile 33:13

Abo ke bakwinyama, abanakumkholisa uThixo.

—KwabaseRoma 8:8

Ngokokuba, ngokwasemisebenzini yomthetho, akuyi kugwetyelwa nyama emehlweni akhe

—KwabaseRoma 3:20

Ukutsho andithi, sikulingene ngokwethu ukucamanga nto engathi iphuma kuthi ngokwethu; ukukulingana kwethu oko kuphuma kuThixo. —KwabaseKorinte II 3:5

Ngenxa yoko, njengokuba isono sangena ngamntu mnye ehlabathini, kwangena ke ukufa ngaso isono; kwaza ngokunjalo ukufa kwabatyhutyha abantu bonke, ekubeni bonke bonayo.

—KwabaseRoma 5:12

Bubugwenxa benu obunahlukanisileyo noThixo wenu, zizono zen ezibusithelisileyo ubuso bakhe kuni, ukuba angevi. —UIsaya 59:2

... Utsho uThixo ukuthi, Yini na ukuba niyigqithe imithetho kaYehova, nize ningabi nampumelelo? Ngokuba nimshiyile uYehova, wonishiya nani.

—IziKronike II 24:20

Ngokuba ukuba neenkani kusi-sono esinjengokuvumisa, ubungqola bunjengenkonzoyezithixo nemilondekhaya. Ngenxa yokuba ulicekisile ilizwi likaYehova, naye ukucekisile ukuba...

—USamuweli I 15:23

Ithi inkanuko, yakuba ithabathile, izale isono; sithi ke isono, sakuba sikhulelwe, sizale ukufa.

—EkaYakobi 1:15

Umphefumlo owonayo, kuyakufa wona wodwa...

—UHezekile 18:20

Ubulungisa obububo busingisa ebomini; ophuthuma ububi usingisa ekuzibulaleni kwakhe.

—ImiZekeliso 11:19

**UThixo ngumgwebi olilungisa;
ÚnguThixo obhavuma yonke i-
mihla. —INdumiso 7:11**

**UYehova uzeka kade umsindo,
mkhulu ke ngamandla, ongakhe
amenze msulwa onetyala
—UNahum 1:3**

**Eza ngenxa yezo zinto ingqu-
mbo kaThixo phezu kwabangeva-
yo. —KwabaseKolose 3:6**

**Kuba ityhilekile ingqumbo ka-
Thixo ivela emazulwini, ichase
konke ukungahloneli Thixo, ne-
ntswela-bulungisa yabantu, aba-
yithintelayo inyaniso ngokuswela
ukulungisa. —KwabaseRoma 1:18**

**Bezele yiyo yonke intswelabu-
lungisa, okungendawo, ukubawa,
ulunya; bezele ngumona, kukubu-
lala, ziinkani, yinkohliso, bubume-
nemene; ábasebezi, ábahlebi, aba-
thiyekileyo kuThixo, abasileyo, a-
banekratshi, abaqhankqalazi, a-
bacebi bezinto ezimbi, abangàbe-
vayo abazali, abangenakuqonda,
abaphuli beminqophiso, abange-
nabubele, abangenatarhu, abange-
nanceba; bona bathi, besazi ka-
kuhle isimiselo sikaThixo, sokuba
abo bazenzayo izinto ezinjalo ba-
fanelwe kukufa, banganeli kuku-
zenza, basuka bathakazelele nabò
bazenzayo. —KwabaseRoma 1:29-32**

Ke kwanjengokuba ke abantu bemiselwe ukuba bafe kube kanye, ize ke emveni koko ibe ngumgwebo. —KumaHebhere 9:27

Ndababona abafileyo, abancinane nabakhulu, bemi phambi koThixo. Zavulwa iincwadi; kwavulwa nenye incwadi, eyeyobomi; bagwetywa abafileyo ngokubhaliweyo ezincwadini ezo, ngokwemi-sebenzi yabo. Wathi ongafunya-nwanga ebhaliwe encwadini yobomi, waphoswa edikeni lomlilo.

—IsiTyhilelo 20:12, 15

Kuyoyikeka ke ukweyela eza-ndleni zoThixo ophilileyo.

—KumaHebhere 10:31

Ndithi ke kuni, Onke amazwi angewani abathe bawathetha abantu, baya kuphendula ngawo ngomhla womgwebo.

—UMateyu 12:36

Ngokuba izenzo zonke uThixo uya kuzizisa ekugwetyweni, izinto zonke ezifihlakeleyo, nokuba zilungile nokuba zimbi.

—INTshumayeli 12:14

Kuya kuba njalo ekuphelisweni kwephakade eli: ziya kuphuma izithunywa zezulu, zibakhethe abangendawo phakathi kwamalungisa, zibaphose ezikweni lomlilo; khona apho kuya kubakho ukulila nokutshixiza kwamazinyo.

—UMateyu 13:49, 50

Asezindaweni zonke amehlo ka-Yehova, ebonisela abanobubi nabalungileyo. —ImiZekeliso 15:3

Kumongameli; ekaDavide. Umhobe. Yehova, undigocagocile, wandazi. Wena uyakwazi ukuhla-la kwam nokusuka kwam; uyaziqonda izicamango zam nakude. Ukuhamba kwam nokulala kwam, uyakwela; Uqhelene neendlela zam zonke. Ngokuba akukho lizwi elulwimini lwam Ongalaziyo ke, Yehova, kanye. —INdumiso 139:1-4

... Andikhangeli njengokukhangela komntu; ngokuba umntu ukhangela umphandle, uYehova ukhangela intliziyo.

—USamuweli I 16:7

Omilisele indlebe, akayi kuva na? Obumbe iliso, akayi kukhangela na? —INdumiso 94:9

Ngokuba amehlo am akuzo zonke iindlela zabo, azisithele kum; abufihlakèle ubugwenxa babo phambi kwamehlo am.

—UYeremiya 16:17

Kanjalo akukho sidalwa singabonakaliyo emehlweni akhe; izinto zonke ke zizé, zityhilekile, emehlweni alowo esinokuthana ni naye.

—KumaHebhere 4:13

Yena utyhila izinto ezinzulu nezisitheleyo; uyakwazi okusebumnyameni, ukukhanya kuhleli kuye.

—UDaniyeli 2:22

Kumnandi na kanene kum ukufa kongendawo? Itsho iNkosi uYehova. Okumnandi kum asikuko na ukuthi abuye ezindleleni zakhe, aphile? —UHezekile 18:23

Ndithi kuni, Hayi; nòthi xa sukuba ningaguquki, nitshabalale kwangokunjalo nonke.

—ULuka 13:3

Osigubungelayo isono sakhe akayi kuba nampumelelo; ke yena osivumayo, asishiye, uya kufuma na inceba. —ImiZekeliso 28:13

Nangoku ke, utsho uYehova ukuthi, Buyelani kum ngentliziyo yenu yonke, nangokuzila, nangokulila, nangokumbambazela; nikrazùle intliziyo yenu, ingabi zi-

ingubo zenu, nibuyele kuYehova uThixo wenu; kuba unobabalo nemfesane, yena uzeka kade umsindo, unenceba enkulu . . .

—UYoweli 2:12, 13

Thabathani niphathe amazwi, nibuyele kuYehova; yithini kuye, Sixolele bonke ubugwenxa, wamkèle izinto zethu ezilungileyo, ukuze sinikele iinkunzi zeenkomo ezintsha . . .

—UHoseya 14:2

Lo úvuma ebantwini, athi, bendonile, ndakúgwenxa okuthe tye, . . . Úwukhulúle umphefumlo wam, ukuba ungagqitheli esihogweni, nobomi bam bó kubona ukukhanya. —UYobhi 33:27, 28

Funani uYehova esenokufunya-
nwa; mbizeni esekufuphi. Onge-
ndawo makashiye indlela yakhe,
indoda enobutshinga mayishiye
iinginga zayo, ibuyele kuYehova:
woba nemfesane kuyo; ibuyele ku-
Thixo wethu ngokuba woxolela
ngokukhulu. —UIsaya 55:6, 7

Ùsondele uYehova kwabantlizi-
yo zaphukileyo, àbasindise aba-
moya utyumkileyo.
—INdumiso 34:18

...ingábuphulaphula bonke u-
bubi endicinga ukubenza kubo,
ukuze babuye elowo endleleni
yakhe embi, ndibuxolele ubugwe-

nxa babo nesono sabo.

—UYeremiya 36:3

Ndikwazisile isono sam, ubu-
gwenxa bam andabugquma; Nda-
thi, Ndoluvuma ukreko lwam ku-
Yehova; wabuxolela ke wena ubu-
gwenxa besono sam.

—INdumiso 32:5

Ukuba sithi sizivume izono ze-
thu, uthembekile, ulilungisa, uku-
ba asixolele izono zethu, asihla-
mbulule kuko konke ukungalu-
ngisi.

—KaYohane I 1:9

Guqukani ke ngoko, nibuye,
ukuze zicinywe izono zenu . . .

—IZenzo 3:19

Ukuguquka kutsho ukusifulathe-
la isono nokusivuma kuThixo.

KWAFUNeka IDINI UKUZE SIXOLELANISWE NOTHIXO

(Isonosezisa ukwahlukana, iphepha 14.)

Wocinezela ngesandla sakhe phezu kwentloko yedini elo linyukayo, limkholekise, limcamagushela. Kuba umphefumlo wenyama usegazini wona. Mna ndaninika lona esibingelelweni, ukuba kucanyagushelwe imiphefumlo yenu; kuba igazi eli licamagusha ngomphefumlo.

—I Levitikus 1:4; 17:11

Kananjalo ngokomthetho ndingade ndithi, zonke izinto ziphantse ukuba zihlanjululwe ngegazi; kungaphalalanga gazi, akubikho kuxolelwa. —KumaHebhere 9:22

Ixhwane lenu malibe liduna eli-

gqibeleleyo, elimnyaka mnye Igazi elo loba ngumqondiso kuni ezindlwini enikuzo. Ndolibona igazi, ndigqithe kuni, singabikho kuni isibetho esonakalisa-
yo —IEksodus 12:5, 13

Wathi uAbraham, UThixo wozi-
bonela imvu yedini elinyukayo,
nyana wam. . . . UAbraham wa-
phakamisa amehlo akhe, wakha-
ngela, nantso inkunzi yegusha
ngasemva, ibambeke ngeempo-
ndo etyholweni; waya uAbraham,
wayithabatha inkunzi yegusha,
wayinyusa ukuba ibe lidini elinyu-
kayo esikhundleni sonyana wa-
khe. —IGenesis 22:8, 13

UYESU YIMVANA ESIYILUNGISELELWE NGUTHIXO 21

Ngengomso uYohane umbona uYesu esiza kuye, athi, Nantso iMvana kaThixo, ethwala isuse isono sehlabathi. —UYohane 1:29

...waza uYehova wamwela ngobugwenxa bethu sonke. Wakhandaniswa, wazithoba, engawuvuli umlomo wakhe, njengemvana esiwa ekuxhelweni; nanjengegusha esisidenge phambi kwabachebi bayo, akawuvula umlomo wakhe. —UIsaya 53:6, 7

Wangena kwaba kanye kweyona ngcwele, kungengalo negazi leebhokhwe nelamathole, kungegazi elilelakhe; wafumana inkululo engunaphakade ngokusihlawu-

lela. Ngokunjalo uKristu, esondezwe kwaba kanye . . .

—KumaHebhere 9:12, 28

Nisazi nje ukuba anihlawulelwanga nikhululwe ngazinto zina-konakala, oozisilivere noozigolide . . . Kwakungegazi elinqabileyo likaKristu, njengelemvana engenasiphako, engenabala.

—KaPetros I 1:18, 19

Lobeka phi na ukugqithisela lona igazi likaKristu, owazisondeza ngoMoya ongunaphakade, engenasiphako, kuye uThixo, ukusihlambulula isazela senu emisebenzini efileyo, ukuze nikhonze uThixo ophilileyo?

—KumaHebhere 9:14

UKUKHULULWA NGENTLAWULELO SIKULUNGISELWE NGUTHIXO KUPHELA

Begwetyelwe ngesisa lubabalo lwakhe ngako ukukhululwa ngentlawulelo ekuYesu Kristu; athe uThixo wammisa, ukuba abe sisi-camagushelo ngegazi lakhe, ngako ukukholwa . . .

—KwabaseRoma 3:24, 25

Ke yena uThixo uqondakalisa okwakhe ukusithanda ngokuthi, sakubon' ukuba sisengaboni, uKristu asifele. Kokukhona sigwetyelwe nje ngegazi lakhe, siya kusindiswa ngaye kuyo ingqumbo.

—KwabaseRoma 5:8, 9

Sisazi nje ukuba akagwetyelwa umntu ngokwasemisebenzini yomthetho, kuphela kungokukho-

lwa kuYesu Kristu: sithe ke nathi aba sakholwa kuKristu Yesu . . .

—KumaGalati 2:16

Kuba nisindiswe ngokubabalwa nangalo ukholo; nako oko kungaphumi kuni, kususipho sikaThixo.

—Kwabase-Efese 2:8

Bonke abaprofeti bayamngqine-la yena lo, ukuba, ngegama lakhe, bamkeliswa uxolelo lwezono bonke abakholwayo kuye.

—IZenzo 10:43

Kananjalo usindiso alukho kwumbi; kuba akukho gama limbi phantsi kwezulu, linikiweyo phakathi kwabantu, esimele ukusindiswa ngalo.

—IZenzo 4:12

...isithunywa esinguGabriyeli sathunyelwa nguThixo emzini welaseGalili, ogama liyiNazarete, kwintombi, eganelwe indoda egama linguYosefu, yendlu kaDavide; laye igama lentombi leyo linguMariya.... Sathi ke isithunywa kuye, Musa ukoyika, Mariya; kuba ubabalwe nguThixo. Uyabona, uya kuthabatha esizalweni, uzale unyana, umthiye igama elinguYESU. Yena uya kuba mkhulu, abizwe ngokuba nguNyana wOsenyangweni;... nobukumkani bakhe bungabinasiphelo. Wathi ke uMariya kuso isithunywa, Kuya kuthini na ukubakho oku, ndingazani nando-

da nje? Saphendula isithunywa sathi kuye, UMoya oyiNgcwele uya kuza phezu kwakho, athi namandla Osenyangweni akusibekele; kungoko loo nto ingcwele izalwa nguwe iya kubizwa ngokuba nguNyana kaThixo.... Ngokuba akukho nanye into eya kumnqabela yena uThixo. Wathi ke uMariya, Nanko umkhonzazana weNkosi; makwenzeke kumngokwelizwi lakho.

—ULuka 1:26-38

UAdam noKristu ngabo kuphela abantu abangena ehlabathini kungahlangananga ndoda namfazi. UAdam wezisa isono ehlabathini, kodwa yena uKristu wasoyisa isono.

Yena wàthi, esebumeni buka-Thixo, akathi ukulingana kwakhe oku noThixo kulixhoba; wathi ngemo efunyenwe enjengomntu, wazithoba, waba ngolulamileyo, wada wesa ekufeni, ukufa ke kwa-semnqamlezweni.

—KwabaseFilipi 2:6, 8

Mna noBawo sibanye. Nitsho na nina ngaye lowo uYise wamngcwalisayo, wamthuma ehlabathini, ukuthi, Uyanyelisa; ngokuba ndithe, NdinguNyana ka-Thixo?

—UYohane 10:30, 36

UYesu Kristu, ungulizwi ongunaphakade, wayekho kuwo onke amaphakade. Ngommangaliso, UThixo wenza ukuba amithwe esizalweni sikaMariya.

Waziwa ngokuba nguNyana womntu ngokwenyama, ngokomoya waziwa ukuba nguNyana kaThixo. Izibhalo zisebenzisa igama elithi “Nyana” ukucacisa ubudlelwana obukhoyo phakathi ko-Thixo nelizwi lakhe uYesu Kristu.

Kungoko, akùngena ehlabathini, athi, . . . Ke ùndilungisele umzimba.

—KumaHebhere 10:5

Owamiswayo ukuba unguNyana kaThixo, enamandla, ngokomoya wobungcwele, ngokuvuka kwabafileyo, uYesu Kristu ke, i-Nkosi yethu.

—KwabaseRoma 1:4

Uphendule uTomas, wathi ku-ye, Nkosi yam, Thixo wam!

—UYohane 20:28

Kananjalo, ngokuvunyiweyo, inkulu imfihlelo yona leyo yokuhlonelela uThixo: lowo wabonakalaliswa esenyameni . . .

—KuTimoti I 3:16

Ngokuba kuhleli kuye konke ukuzaliseka kobuThixo ngokomzimba. —KwabaseKolose 2:9

Ngokuba sizalélwe umntwana, sinikwé unyana; ukuthethela kusenixhantini sakhe; igama lakhe kuthiwa nguMmangaliso, nguMcebisi, nguThixo oligorha, nguSonini-nanini, nguMthetheli woxolo. —UIsaya 9:6

Wathi kuwo uYesu, . . . Engekabikho uAbraham, mna ndikho kade. —UYohane 8:58

Kuye kwakukho ubomi, baye ubomi obo bulukhanyiselo lwabantu. Ube esehlabathini ke; ihlabathi labakho ngaye, ihlabathi alimazanga. —UYohane 1:4, 10

Kuba manye uThixo; manye nomlamli phakathi koThixo nabantu, umntu uKristu Yesu, lowo wazinikelayo ukuba abe yintlawulelo yokukhulula abantu bonke —KuTimoti I 2:5, 6

Esinayo kuye inkululeko ngokuhlawulelwa ngegazi lakhe, ukuxolelwa kwezono ke oko. Ungumfanekiselo kaThixo ongenakubonwa

—KwabaseKolose 1:14, 15

26 IBHAYIBHILE (ISIBHALO) LILIZWI LIKATHIXO

Kuba akukhanga kubekho si-
profeto ngokuthanda komntu; bá-
thi abantu abangcwele bakaThixo
bathetha beqhutywa nguMoya
oyiNgcwele. —KaPetros II 1:21

Njengoko yathethayo ngomlo-
mo wabangcwele, ababengabapro-
feti bayo kwasephakadeni; Ukuze
ubanike abantu bayo ukwaziwa
kosindiso Ngoxolelo lwezono za-
bo. —ULuka 1:70, 77

Ukuthi, UMoya kaYehova uthe-
tha ngam, ukukhuluma kwakhe
kuselulwimini lwam.
—USamuweli II 23:2

Kuba izinto zonke ezabhalwayo
ngenxa engaphambili, zaye zibha-
lelwa okwethu ukufundiswa, uku-

ze sithi ngalo unyamezelo novuse-
lelo lwezibhalo sibe nalo ithemba.
—KwabaseRoma 15:4

La mazwi ndikuwisela umthe-
tho ngawo namhlanje, aze abe
sentliziweni yakho.

—IDuteronomi 6:6

Sonke isibhalo, siphefumlelwe
nguThixo nje, sikwancedela uku-
fundisa, ukohlwaya, ukululeka,
ukuqeqesha okusebulungiseni.

—KuTimoti II 3:16

... Niyalahleka, kuba ningazazi
izibhalo kwanamandla kaThixo.

—UMateyu 22:29

... Kuba ulikhulisile ilizwi la-
kho ngaphezu kwegama lakho lo-
nke.
—INDumiso 138:2

Yena wayethiwe wambu nge-
ngubo ethiwe nkxu egazini; igama
lakhe kuthiwa nguLizwi likaThi-
xo.
—IsiTyhilelo 19:13

Ekuqalekeni ube ekho uLizwi,
waye uLizwi ekuye uThixo, waye
uLizwi enguThixo. ULizwi waba
yinyama, wahlala phakathi kwe-
thu
—UYohane 1:1, 14

UYesu utyhila uThixo

Ngokuba nguThixo, yena wathi
ukhanyiso malukhanye ebumnya-
meni, okhanyisele iintliziyo zethu,
ukuze kukhanye ukwaziwa kobu-
qaqawuli bukaThixo ebusweni bu-
kaYesu Kristu.

—KwabaseKorinte II 4:6

Akukho namnye wakha wambo-
na uThixo; uNyana okuphela
kwamzeleyo, lowo usesifubeni si-
kaYise, nguye ocacise oko.

—UYohane 1:18

UThixo uthetha ngoYesu

UThixo wayethethile nje kuda-
la ngeendawo ezininzi, nange-
endlela ezininzi, koobawo ngabo
abaprofeti, uthethe ngale mihla
yokugqibela kuthi ngoNyana;
awammisayo wayindlalifa yeento
zonke, awathi kwangaye wayenza
indalo yonke.

—KumaHebhere 1:1, 2

Mna ndithetha endikubonileyo
kuBawo
—UYohane 8:38

UKUTHELEKISWA KWELIZWI ELIBHALIWEYO NELIPHILAYO

IBhayibhile ikukutya komphefumlo

... Ndiwabekile amazwi omlo-
mo wakhe kunowam ummiselo.

—UYobhi 23:12

... Akaphili ngasonka sodwa
umntu, uphila ngamazwi onke
aphuma emlonyeni kaThixo.

—UMateyu 4:4

IBhayibhile ikhanyisa indlela yethu

Lisisibane seenyawo zam ilizwi
lakho, likukukhanya emendweni
wam.

—IiNdumiso 119:105

Ukutyhila kwamazwi akho ku-
yakhanyisa, kuqondisa abazizi-
denge.

—IiNdumiso 119:130

UYesu sisonka esivela eZulwini

Ndim isonka esiphilileyo, esi
sehlayo emazulwini. Ukuba ubani
uthe wasidla esi sonka, wodla ubo-
mi ngonaphakade; ke isonka endi-
ya kumnika sona mna, siyinyama
yam, endiya kuyinikela ubomi
behlabathi. Ndim isonka sobomi.

—UYohane 6:51, 48

UYesu lukhanyiselo lwehlabathi

Wabuya ngoko uYesu wathetha
kubo, esithi, Ndim ukhanyiselo
lwehlabathi; lowo undilandelayo
akasayi kuhamba ebumnyameni;
yena uya kuba nalo ukhanyiso lo-
bomi.

—UYohane 8:12

***IBhayibhile inika
Ubomi obunesiqhamo***

Yena unonelela umyalelo kaYehova; ucamanga ngomyalelo wakhe imini nobusuku: unjengomthi omiliselwe phezu kwemijelo yamanzi, onika isiqhamo sawo ngesha lawo, ogqabi lawo lingabuniyo; konke akwenzayo kophumelela.
—INDumiso 1:2, 3

***UYesu Unika Ubomi
obuneziqhamo*** 29

Hlalani kum, mna ndihlale kuni. . . . Umdiliya ndim, nina ningamasebe; lowo uhleli kum, ndibe mna ndihleli kuye, yena uthwala isiqhamo esininzi; ngokuba, ningekum, aninakwenza nto.
—UYohane 15:4, 5

IZIBHALO ZINGQINA NGOYESU KRISTU

Ziphengululeni izibhalo, ngokuba nina niba ninobomi obungunaphakade kuzo Kuba, ukuba benikholiwe nguMoses, ninge nikholiwe ndim; kuba yena wabhala

ngam. —UYohane 5:39, 46

Uqalele ke kuMoses nakubo bonke abaprofeti, wabachazela kuzo zonke izibhalo iindawo ezingaye.
—ULuka 24:27

30 ILIZWI ELINGUNAPHAKADE LIKATHIXO ALIGUQUKI

Lingunaphakade, Yehova, limi emazulwini ilizwi lakho. Isimbuku selizwi lakho siyinyaniso iphela, zingunaphakade zonke izigwebo zobulungisa bakho.

—INDumiso 119:89, 160

Buyoma utyani, iyabuna intyantyambo; ke lona ilizwi likathixo wethu liya kuma ngonaphakade.

—UISaya 40:8

... Koda kudlule izulu nehlabathi, kungakhanga kudlule nalinye iganyana nokuba lisuntswana emthethweni, kude kwenzeke konke.

—UMateyu 5:18

... sibe isibhalo singenakwaphulwa.

—UYohane 10:35

*Umntu Makangabi Nabuganga
Bokuyijika lbhayibhile*

Into yonke endisukuba ndiniwile sele umthetho ngayo, ize nigcine ukuyenza; uze ungongezi kuyo unganciphisi nto.

—IDuteronomi 12:32

Musa ukongeza emazwini akhe, hleze akohlwaye, ube ngothetha amanga.

—ImiZekeliso 30:6

Ukuba ke uthe umntu wasusa kuwo amazwi encwadi yesi siprofeto, uThixo uya kususisa isabelo sakhe encwadini yobomi

—IsiTyhilelo 22:19

Odela ilizwi ubanjwa lilo

—ImiZekeliso 13:13

UKUFA KUKA YESU KWALIFEZEKISA ICEBO LIKATHIXO

31

Ngenxa yoku uBawo uyandi-thanda; ngokuba mna ndibuncama ubomi bam, ukuze ndibuye ndibuthabathe. Akukho namnye ubuhluthayo kum, ndiyabuncama mna ngokwam; ndinegunya loku-buncama, ndinegunya lokubuya ndibuthabathe

—UYohane 10:17, 18

Ùba andinako na ngoku ukum-bongoza uBawo, andikhuphele imikhosi yezithunywa zezulu engaphezu kweshumi elinamibini? Bez-ingáthini na ke oko ukuzaliseka izibhalo ezithi, kumele ukuba kube nje?

—UMateyu 26:53, 54

Ke uThixo, izinto awazixela ngenxa engaphambili ngomlomo wabo bonke abaprofeti bakhe, zokuba uKristu eve ubunzima, uzizalisile wenjenje. —IZenzo 3:18

Yena lowo, ekhutshwe ngecebo elimisiweyo likaThixo nangokwazi kwakhe kwenxa engaphambili, namthabatha ngezandla zabachasene nomthetho, nambethelela emnqamlezweni, namsika.

—IZenzo 2:23

UYehova ke wathanda ukumtyumza nokumvisa isifo. Xa ùthe umphefumlo wakhe wàwenzala idini letyala, wóyibona imbewu yakhe —UIsaya 53:10

32 UKUFA KUKA YESU KUXELWA NGAMANGQINA

Kwaye kubethelelwe naye eminqamlezweni izihange zizibini, esinye ngasekunene, esinye ngasekhohlo kwakhe. Sazaliseka ke eso sibhalo sithi, Wabalelwa kwabachasene nomthetho.

—UMarko 15:27, 28

Kuthe ke, kuthabathele kwilixa lesithandathu, kwada kwesa kwilixa lesithoba, kwehla ubumnyama phezu kwawo wonke umhlaba. Uthe ke uYesu, ephinde wadanduluka ngezwi elikhulu, wawukhupha umoya wakhe... umhlaba wanyikima, namawa acandeka. Ke kaloku umthetheli-khulu, nabo babelinda uYesu naye, bakubona ukunyikima oko, nezo zinto zenze-

kileyo, boyika kakhulu, besithi, Inyaniso, lo ebenguNyana kaThixo.

—UMateyu 27:45, 50-51, 54

Eza ngoko amasoldati, ayaphula okunene imilenze yowokuqala, neyomnye obebethelelwe eminqamlezweni naye. Kodwa akufika kuYesu, akubona ukuba uselefile, akayaphula imilenze yakhe. Lesuka elinye isoldati lamhlaba ngomkhonto ecaleni; kwaoko kwaphuma igazi namanzi... Kuba zenzeka ezi zinto, ukuze isibhalo sizaliseke esithi, Akuyi kutyunyuzwa thambo lakhe. Kanjalo nesinye isibhalo sithi, Baya kukhangela kulowo bamhlabileyo.

—UYohane 19:32-37

Athe uThixo wamvusa, eyikhu-
lule inimba yokufa; ngokokuba
ebengenako ukubanjwa kuko. U-
Thixo wamvusa lo Yesu, esinga-
mangqina ako oko thina sonke.

—IZenzo 2:24, 32

Ekubeni ngoko abantwana abo
bengamadlelane naye ngenyama
negazi, wathi naye ngokwakhe
ngokukwanjalo wabelana nabo
ngezo zinto, ukuze ngako ukufa
ambhangise lowo unamandla oku-
fa, oko kukuthi, uMtyholi lo; aba-
khulule ebukhobokeni bonke abo
babethhe ngalo lonke ixesha lo-
kudla kwabo ubomi bazizisulu zo-
koyika ukufa.

—KumaHebhere 2:14, 15

Luphi na, kufa, ulwamvila
lwakho? Luphi na, Hadesi, uloyi-
so lwakho? Makubulelwe ke ku-
Thixo osinikayo uloyiso olo, nga-
yo iNkosi yethu uYesu Kristu.

—KwabaseKorinte I 15:55, 57

Ndaye ndifile; yabona, ndingo-
budlayo ubomi kuse emaphakade-
ni asemaphakadeni. Amen. Ndina-
zo nezitshixo zelabafileyo nezoku-
fa.

—IsiTyhilelo 1:18

Lwabonakaliswa ke ngoku nga-
ko ukubonakala koMsindisi we-
thu uYesu Kristu, owakubhangi-
sayo okunene ukufa, kodwa wabu-
khanyisa ubomi nokungonakali,
ngazo iindaba ezilungileyo ezi.

—KuTimoti II 1:10

34 SIFANELE UKWENZA NTONI NGOYESU NA?

Yabona, ndimi emnyango ndi-
nkqonkqoza; ukuba úthe umntu
waliva izwi lam, waluvula ucango,
ndongena kuye, ndidle naye, naye
adle nam. —IsiTyhilelo 3:20

Ke kulowo ùngasebenziyo, ùthi
akholwe kuye omgwebelayo lowo
ungahloneli Thixo, ukholo lwakhe
lubalelwa ebulungiseni.

—KwabaseRoma 4:5

... Yamkelani uMoya oyiNgcwe-
le. ... Celani, niya kwamkela, uku-
ze uvuyo lwenu luzaliseke.

—UYohane 20:22; 16:24

Ngokuba, xa uthe wamvuma
ngomlomo wakho ukuba uyiNkosi

uYesu, wakholwa ngentliziyo ya-
kho ukuba uThixo wamvusa kwa-
bafileyo, wosindiswa.

—KwabaseRoma 10:9

Lowo uthanda uyise nokuba
ngunina kunam, akandifanele
mna. . . . Wandula wathi uYesu
kubafundi bakhe, Ukuba kukho
othanda ukundilandela, makazi-
ncame ngokwakhe, awuthwale
umnqamlezo wakhe, andilandele.
Kuba othe wathanda ukuwusindi-
sa umphefumlo wakhe, wolahleke-
lwa nguwo; ke othe wawulahla
umphefumlo wakhe ngenxa yam,
wowufumana.

—UMateyu 10:37; 16:24, 25

... ukuba uThixo usinike ubomi obungunaphakade; baye obo bomi bukuye uNyana wakhe. Lowo u-naye uNyana, unabo ubomi....

—KaYohane I 5:11, 12

Ngoko ke, ukuba ubani uku-Kristu, usisidalwa esitsha; izinto ezindala zidlule; bonani ke, zisuke zaba ntsha izinto zonke zakhe.

—KwabaseKorinte II 5:17

Ke uThixo, esisityebi nje nge-nceba, ... awasithanda ngalo, thi-na sifile nje ziziphoso, wasidlisa ubomi ndawonye noKristu (nisi-ndiswé ngokubabalwa).

—Kwabase-Efese 2:4, 5

Nðibethelelwe emnqamlezweni noKristu; ayisendim ke odla ubo-

mi, nguKristu ke oselesidla ubomi kum. Ubomi ke endibudlayo ngo-ku, ndisenyameni, ndibudlela ekukholweni kuNyana kaThixo, owandithandayo, wazinikela nge-nxa yam.

—KumaGalati 2:20

Kuba umthetho woMoya wobomi, ndakuba kuKristu Yesu, w-andikhulula emthethweni wesono nokufa.

—KwabaseRoma 8:2

Nizelwe nje ngokutsha, kunge-ngokwasembewini enokonakala, kungokwasembewini engenakona-kala, ngelizwi likaThixo eliphilile-yo, elihleliyo ngonaphakade. Ngo-kweentsana ezisandula ukuzalwa, amasi angawelizwi....

—KaPetros I 1:23; 2:2

Uyise weenkedama, umthetheli wabahlolokazi, nguThixo ekhayeni lakhe elingwele.

—INDumiso 68:5

Kaloku ke, Yehova, unguBawo; siludongwe; unguMbumbi wethu; sisisenzo sesandla sakho, sonke siphela. . . wena, Yehova, unguBawo, uMkhululi wethu ligama lakho kwasephakadeni.

—UISaya 64:8; 63:16

. . . kuthi endaweni yokuba kuthiwe kubo, Aningabantu bam, kusuke kuthiwe kubo, Ningoonyana bakaThixo ophilileyo.

—UHoseya 1:10

Ukuba ngoko nina, nikhohlake-

le nje, niyakwazi ukubapha abantwana benu izipho ezilungileyo, wobeka phi na yena uYihlo osemazulwini ukugqithisela ngokubapha okulungileyo abo bamcelayo? Thandazani ngoko nina nenjenje: Bawo wethu osemazulwini, malingcwaliswe igama lakho.

—UMateyu 7:11; 6:9

. . . Ndandiya kunamkela, Ndibe nguyihlo, nina nibe ngoonyana nentombi kum; Itsho iNkosi uSomandla.

—KwabaseKorinte II 6:17, 18

Kuba bonke abakhokelwa nguMoya kaThixo, bangoonnyana bakaThixo abo. —KwabaseRoma 8:14

Uthi uYesu kuye, Ndim indlela, ndim inyaniso, ndim ubomi; aku-kho namnye uzayo kuBawo, enge-zi ngam. Ukuba benindazile mna, ninge nimazile noBawo; ngoku ke niyamazi, nimbonile nokumbona. . . . Ukuba umntu uyandithanda, woligcina ilizwi lam; wothi uBawo amthande, size kuye, sihlale naye.
—UYohane 14:6, 7, 23

Lithe ke lakuzaliseka ixesha, u-Thixo wamkhupha weza uNyana wakhe. . . . ukuze sikuzuze ukwe-nziwa oonyana. Ngokuba ke ni-ngoonyana, uThixo wamkhupha uMoya woNyana wakhe, weza ezi-ntliziyweni zenu, edanduluka esi-thi, Abha, Bawo. Ngoko ke akuse-

ngumkhonzi, ungunyana; ukuba ke ungunyana, ukwayindlalifa ka-Thixo ngoKristu. Kuba nina no-nke ningoonyana bakaThixo nga-ko ukukholwa, nikuKristu Yesu.
—KumaGalati 4:4-7; 3:26

Ke bonke abamamkeláyo waba-nika igunya lokuba babe nga-bantwana bakaThixo, abo ke ba-kholwayo kwigama lakhe.
—UYohane 1:12

. . . . Ukuba kukho othe wona, si-noMthetheleli kuye uYise, uYesu Kristu ilungisa. —KaYohane I 2:1

Ngokuba kungaye ukungeni-swa kwethu sobabini, siMoya mnye kuye uYise.
—Kwabase-Efese 2:18

Lowo ungenaluthando akazanga amazi uThixo, ngokuba uThixo uluthando... lowo uhleli eluthandweni uhleli kuye uThixo, noThixo uhleli kuye.

—KaYohane I 4:8, 16

Ke nina yibani nobubele omnye komnye, nibe nemfesane kakhulu, nixolelane, njengokuba naye uThixo wanixolelayo ekuKristu.

—Kwabase-Efese 4:32

Ngayo le nto baya kwazi bonke, ukuba ningabafundi bam, ukuba nithe nathandana. —UYohane 13:35

Ke sona esoMoya isiqhamo luthando, uvuyo, uxolo . . .

—KumaGalati 5:22

Mna ke ndiya kudlamka ndikuYehova, ndigcobe ndikuThixo umsindisi wam. —UHabhakuki 3:18

Uya kundazisa umendo wobomi; ebusweni bakho yinzaliseko yemivuyo; ekunene kwakho yimihlali ngonaphakade.

—INdumiso 16:11

Ngoko, sigwetyelwe nje ngokwaselukholweni, sinoxolo kuThixo ngayo iNkosi yethu uYesu Kristu.

—KwabaseRoma 5:1

Ndishiya uxolo kuni; ndininika uxolo lwam; andininiki njengokunika kwehlabathi. Mayingakhathezeki intliziyo yenu, mayingabi nabugwala.

—UYohane 14:27

UYESU UYAKUBAVUSA EKUFENI ABALANDELI 39 BAKHE BENENE

Ukuba ke uMoya walowo wamvusayo uYesu kwabafileyo, umi ngaphakathi kwenu, yena owamvusayo uKristu kwabafileyo uya kuyenza iphile nemizimba yenu enokufa, ngaye uMoya wakhe omiyo ngaphakathi kwenu.

—KwabaseRoma 8:11

UThixo ke wayivusa iNkosi leyo; uya kusivusa nathi ngamandla akhe. —KwabaseKorinte I 6:14

Kuko ke oku ukuthanda kowandithumayo, ukuthi babe nobomi obungunaphakade bonke abambonayo uNyana, bakholwe kuye; ndandiya kubavusa mna ngomhla wokugqibela. —UYohane 6:40

Wathi uYesu kuye, Ndim uvuko, ndim ubomi; lowo ukholwayo kum, nokuba ubethé wafa, wodla ubomi.

—UYohane 11:25

Kuba ekubeni kaloku kungomntu ukufa, kukwangomntu ukuvuka kwabafileyo. Kuba, njengokuba kuye uAdam bafa bonke, ngokunjalo nakuye uKristu baya kudliswa ubomi bonke: elowo ke kohlwakhe uluhlu; intlalela inguKristu, kamva abakaKristu ekufikeni kwakhe.

—KwabaseKorinte I 15:21-23

... ngokuba ndisidla ubomi mna, nani niya kudla ubomi.

—UYohane 14:19

MUSA UKULUTYESHELA USINDISO OLUKHULU KANGAKA

Umntu obegiba okaMoses umthetho, ubebulawa kungekho tarhu, ngezwi lamangqina amabini, nokuba mathathu. Niba wobeka phi na ke ukufanelwa kukubethwa okubi ngakumbi, lo umnyathelele phantsi uNyana kaThixo, walibalela ekuthini liyinqambi igazi lomnqophiso athe wangcwali swa ngalo, wangxeka uMoya wobabalo? —KumaHebhere 10:28, 29

Lowo undigibayo, angawamkeli amazwi am, unaye omgwebayo; ilizwi endilithethileyo, lilo eliya kumgweba ngomhla wokugqibela.
—UYohane 12:48

Ndatsho ngoko kuni ukuthi, Niya kufela ezonweni zenu; kuba ekubeni nithe anakholwa ukuba ndinguye, niya kufela ezonweni zenu.
—UYohane 8:24

Ndithi ke kuni, zihlobo zam, Musani ukuboyika abo babulala umzimba, baze emva koko bangabi nanto yimbi bangayenzayo. Ndiya kunibonisa ke énomoyika; yoyikani lowo uthi emva koku bulala, abe negunya lokuphosa esihogweni. Ewe, ndithi kuni, Yoyikani yena lowo. —ULuka 12:4, 5

Sothini na thina ukusínda, sakuba siluhilizele usindiso olungakanana . . . —KumaHebhere 2:3

Ngokokuba emise umhla, aza kuligweba ngawo elimiweyo ngobulungisa, ngendoda awayimisa-
yo —IZenzo 17:31

Kuba kananjalo uYise akagwebi namnye; uthe umgwebu wonke wawunikela kuNyana; ukuze bonke bambeke uNyana, kwanjengoko bambekayo uYise. . . .
—UYohane 5:22, 23

Kuba thina aba sonke simelwe kukuthi sibonakalaliswe phambi kwesihlalo sokugweba sikaKristu, ukuze elowo azuziswe okwenzliwe ngomzimba, ngoko akwenzileyo, nokuba kokulungileyo, nokuba kokubi.
—KwabaseKorinte II 5:10

Kuya kuba njalo mhlenikweni uThixo aya kuzigweba izinto ezi-fihlakeleyo zabantu, ngokweendaba zam ezilungileyo ngoYesu Kristu.
—KwabaseRoma 2:16

. . . ekutyhilekeni kweNkosi uYesu, ivela emazulwini inezithunywa zamandla ayo; inomlilo odangazelayo, ibaphindezela abangamaziyo uThixo, nabangazilulame-liyo iindaba ezilungileyo zeNkosi yethu uYesu Kristu.
—KwabaseTesalonika II 1:7, 8

Ke zona ezo ntshaba zam zazingathandanga ukuba ndibe ngukumkani phezu kwazo, ziziseni apha, nizincinithe phambi kwam.
—ULuka 19:27

42 ASINGABO BONKE ABATHI BALANDELA UYESU ABANGABAKA YESU

Bayavuma ukuba bayamazi u-Thixo; kanti ngayo imisebenzi bayamkhanyela . . . —KuTito 1:16

. . . Ukuba ke umntu akanaye u-Moya kaKristu, akangowakhe lo-wo. —KwabaseRoma 8:9

. . . bahlale phambi kwakho ngokwabantu bam, baweve amazwi akho, bangawenzi; kuba benza okukhanukwa ngumlomo wabo; intliziyo yabo ilandela inzuzo yabo embi. —UHezekile 33:31

Aba bantu basondela kum ngomlomo wabo, bandibeke ngemile-

be yomlomo wabo; kanti intliziyo yabo ikude lee kum.

—UMateyu 15:8

Asingabo bonke abathi kum, Nkosi, Nkosi, abaya kungena ebukumkanini bamazulu; ngokwenzayo ukuthanda kukaBawo osemazulwini. Baninzi abaya kuthi kum ngaloo mini, Nkosi, Nkosi, sasingathe na egameni lakho saprofeta, sathi egameni lakho sakhupha iidemon, sathi egameni lakho senza imisebenzi yamandla emininzi? Ndandule ndibaxelele, ndithi, Andizanga ndinazi; mkani kum, nina nenza okuchasene nomthetho. —UMateyu 7:21-23

ABALANDELI BENENE BAKA YESU BAYAMTHOBELA

43

Sazi ngale nto ukuba siyamazi, ngokuthi siyigcine imithetho yakhe.
—KaYohane I 2:3

N dofaka uMoya wam ngaphakathi kwenu, ndinenze nihambe ngemimiselo yam, niwagcine amasiko am, niwenze.
—UHezekile 36:27

Waza, egqibelele, waba yimbangi yosindiso olungunaphakade kubo bonke abamlulamelayo.
—KumaHebhere 5:9

Nákuba nikhululwe ke kuso isono, nakhonziswa kubo ubulungisa.
—KwabaseRoma 6:18

Kuba thina singumsebenzi wa-

khe, sídalelwe kuKristu Yesu, ukuze senze imisebenzi elungileyo, awayilungisayo uThixo ngenxa engaphambili, ukuze sihambe kuyo.
—Kwabase-Efese 2:10

Ukuba ke uKristu ungaphakathi kwenu, umzimba okunene ufile ngenxa yesono; kodwa uMoya ububomi ngenxa yobulungisa. Kuba xa niphila ngokwenyama, niza kufa; ke ukuba niyazibulala ngoMoya, zife iintlondi zomzimba, nophila.
—KwabaseRoma 8:10, 13

... nóthi, Mabasuke kuko ukungalungisi, bonke abalibizayo igama likaKristu. —KuTimoti II 2:19

44 IHLABATHI LIBATHIYILE ABALANDELI BAKA YESU

Ukuba ihlabathi linithiyile, yazi ukuba lindithiyé kuqala kunani. Ukuba beningabehlabathi, ihlabathi linge likuthanda okwalo; ke ngokuba ningengabehlabathi, ndaninyulayo mna kulo ihlabathi, ngenxa yoko linithiyile ihlabathi.
—UYohane 15:18, 19

...ewe, kuza ilixa lokuba bonke abanibulalayo, babe bona bakhoza uThixo. Ezo zinto baya kuzeza kuni, ngokuba bengamazanga uBawo kwanam. —UYohane 16:2, 3

Bonani uthando olungaka asenzele lona uYise, olu lokuba sibizwe ngokuba singabantwana bakaThixo. Ngenxa yoko ihlaba-

thi alisazi thina, ngokuba lingamazanga yena. —KaYohane I 3:1

...besithi, Simelwe kukuphumela ezimbandezelweni ezininzi, ukungena ebukumkanini bukaThixo.
—IZenzo 14:22

Nabo bonke ke abathanda ukuhlala ngokuhlonela uThixo kuKristu Yesu baya kutshutshiswa.

—KuTimoti II 3:12

...Ehlabathini niya kuba nembandezelo; yomelelani, mna ndiloysisile ihlabathi. —UYohane 16:33

Mna ndibaniké ilizwi lakho; laza ihlabathi labathiya, ngokuba bengengabo abehlabathi, njengokuba nam ndingenguye owehlabathi.
—UYohane 17:14

Lonke ixhala lenu liphoseni phezu kwakhe, ngokuba yena enikhathelele.
—KaPetros I 5:7

Musa ukoyika, kuba ndinawemna; musa ukubhekabheka, kuba ndinguThixo wakho; ndikukhaliphisile, ewe, ndikuncedile, ndikuxhasile ngesandla sam sokunene sobulungisa bam.

—UIsaya 41:10

Ngokuba ubawo noma bandishiyile, wesuka uYehova wandichola.

—INdumiso 27:10

Ngokokude somelele sithi, INkosi ilusizo lwam, andiyi koyika; Wondenza ntoni na umntu?

—KumaHebhere 13:6

Ukuba niyangcikiwa ngenxa

yegama likaKristu, ninoyolo; ngokuba uMoya wozuko nokaThixo uphumle phezu kwenu . . .

—KaPetros I 4:14

Ngokuba izithunywa zakhe úziwisele umthetho ngawe, ukuba zikugcine ezindleleni zakho zonke. Nokuba ndihamba emfuleni we-thunzi lokufa, andiyi koyika bubi, ngokuba unam wena . . .

—IiNdumiso 91:11; 23:4

Ndinokuzenza izinto zonke, ndikulowo undomelezayo, uKristu. Ke uThixo wam wókwenzelelela konke ukuswela kwenu ngokobutyebi bakhe, ngokozuko olukuKristu Yesu.

—KwabaseFilipi 4:13, 19

Anibanjwanga silingo singese-sabantu. Uthembekile ke uThixo, ongayi kuvumela ukuba nilingwe ngaphezu kweninako; owothi, kunye nesilingo eso, avelise ithuba lokuphuma kuso, ukuba nibe nako ukuthwala.

—KwabaseKorinte I 10:13

Masisondele ke ngoko sinokungafihlisi kuyo itrone yobabalo, ukuze samkeliswe inceba, si-fumane ubabalo lokusiza ngexesha elililo. —KumaHebhere 4:16

Ke zibaleke iinkanuko zobutsha; phuthuma ke ubulungisa, ukholo, uthando —KuTimoti II 2:22

Ke, ukuba sihamba ekukhanye-

ni, njengokuba yena esekukhanyeni, soba sinobudlelane omnye nomnye, lithi negazi likaYesu Kristu, uNyana wakhe, lisihlambulule kuso sonke isono.

—KaYohane I 1:7

Ngokunjalo nani zibaleleni eku-thini, ningabafileyo okunene kwisono; kodwa ningabadla ubomi kuThixo, nikuKristu Yesu, iNkosi yethu. —KwabaseRoma 6:11

Mthobeleni ngoko uThixo. Mchaseni ke uMtyholi, wonibaleka. —EkaYakobi 4:7

Ndiyibeké intetho yakho entli-ziyweni yam, ukuze ndingoni kuwe. —INdumiso 119:11

UMTHANDAZO WENENE BUBUDLELWANE NOTHIXO

47

Ukuba nithe nahlala kum, namazwi am ahlala kuni, nocela into enisukuba niyithanda, niyenze-lwe.
—UYohane 15:7

Intliziyo yam ithi kuwe, kweli ùthi, Funani ubuso bam, Ubuso bakho, Yehova, ndiya kubufuna.
—INDumiso 27:8

Kholosani ngaye ngamaxesha onke, nina bantu; phalazani intliziyo yenu phambi kwakhe. UThixo ulihlathi kuthi.
—INDumiso 62:8

Ndiphilise, Yehova, ndiphile; ndisindise, ndisinde; ngokuba indumiso yam nguwe.
—UYeremiya 17:14

Thandazani ningayeki. Ezintweni zonke bulelani; kuba oko kukuthanda kukaThixo kuKristu Yesu ngani.

—KwabaseTesalonika I 5:17, 18

Ukuba ke ubani kuni uswele ubulumko, makacele kuThixo, onika bonke engenakumbi, engangcikivi; wobunikwa.

—EkaYakobi 1:5

Ukuba bendisekeleze ubutshinga ngentliziyo yam, INkosi yam ibingayi kuphulaphula. Ngenxa yegama lakho, Yehova, xolela ubugwenxa bam, ngokuba bukhulu bona. —IiNdumiso 66:18; 25:11

Ngokuba iNkosi ngokwayo iya kuhla emazulwini inendanduluko, inelizwi lesiphatha-zithunywa, inexilongo likaThixo, baze abafele kuKristu bavuke kuqala; sandule thina babudlayo ubomi, basaseleyo, sixwilelwe emafini kwakunye nabo, siye kuyikhawulela iNkosi esibhakabhakeni; size ngokunjalo sihlale sihleli, sindawonye neNkosi. —KwabaseTesalonika I 4:16, 17

Sinawo nje ngoko la madinga, zintánda, masizihlambulule kuko konke ukudyobheka kwenyama nokomoya sibufeza ubungcwele, sisoyika uThixo.

—KwabaseKorinte II 7:1

Ngoku ke, bantwanana, hlalani kuye, ukuze xa athe wabonakalaliswa, sibe nokungafihlisi, singadani, simbaleke ekufikeni kwakhe. —KaYohane I 2:28

Nyamezelani nani, zizimaseni iintliziyo zenu, ngokuba ukufika kweNkosi kusondele. Musani ukrokrelana omnye nomnye, bazalwana, ukuze ningagwetywa; yabonani, uMgwebi umi phambi komnyango. —EkaYakobi 5:8, 9

Nani ngoko yibani nilungile; ngokuba uNyana woMntu uza ngelixa eningalikhumbuleliyo.

—ULuka 12:40

ZALISWA NGUMOYA KATHIXO

Nithe nabuyela ekohlwayeni kwam, niyabona, ndowumpompozisela kuni umoya wam, ndonazisa amazwi am. —ImiZekeliso 1:23

... Guqukani nibhaptizwe nonke ngabanye egameni likaYesu Kristu, ukuze nixolelwe izono, namkele isipho soMoya oyiNgcwele. —IZenzo 2:38

Kanjalo musani ukunxila yiwayini, ekukhoyo kuloo nto ukuzibhubhisa; manizaliswe nguMoya; nithetha omnye nomnye ngeendumiso, neengoma, nezango ezizezomoya, nivuma, nibetha uhadi entliziyweni yenu kuyo iNkosi, nimana nibulela ngenxa yeento

zonke, egameni leNkosi yethu uYesu Kristu, kuye uThixo uYise; nilulamelana ngokoyika uThixo. —KwabaseEfese 5:18-21

Kuba nguThixo okusebenzayo ngaphakathi kwenu ukuthanda oko, kwanokusebenza oko, ngenxa yenkolelo yakhe. —KwabaseFilipi 2:13

Anazi na ukuba niyitempile kaThixo? Anazi na ukuba uMoya kaThixo umi ngaphakathi kwenu? Kuba nathengwa ngexabiso. Mzukiseni ke uThixo ngomzimba wenu nangomoya wenu, izinto ezizezikaThixo ezo. —KwabaseKorinte I 3:16; 6:20

Published in numerous languages by World Missionary Press, Inc., as God supplies funds in answer to prayer. **For questions or more information by country, visit: www.wmp-contacts.org**

World Missionary Press
PO Box 120
New Paris, IN 46553-0120 USA
www.wmpress.org

4-24



Read booklets online or by App
www.wmp-readonline.org

1543 Xhosa HKG